

**Ilinniartitaanernut Inuussutissarsiutinullu
siunnersuisarneq pillugu Inatsisartut inatsisaannik
allannguneq pillugu Inatsisartut inatsisissaattut
siunnersuut
(Ilinniagaqartunik tarnikkut isumaginninnikkullu
siunnersuisarneq pillugu ilassut, ilitersuisarnerup
ilaatut, aamma Siunnersuisarnermut
Siunnersuisoqatigiit katitsigaanerit pillugu
allannguut, aamma kalaallisuuani iluarsissutit § 11,
imm. 2, § 12, stk. 1, § 12, imm. 2, oqaaseqatigiit
aappaat, aamma § 25 inatsisip kalaallisut
oqaaseqaataani.)**

§ 1

Ilinniartitaanermut inuussutissarsiutinullu siunnersuisarneq pillugu Namminersorlutik Oqartussat inatsisaanni nr. 4, 29. november 2013-meersumi imaattunik allannguuteqartitsisoqassaaq:

1. § 3 imatut oqaasertalerneqassaaq:

” § 3. Naalakkersuisut pisussaaffigaat isumagissallugu:

- 1) nalilersuisarneq aamma ineriartortitsineq siunnersuisarnermik ingerlatsinermi,
- 2) siunnersuisarnerit ataqatigiissaarnissaat,
- 3) siunnersuisarnermut tunngatillugu paasissutissiisarneq,
- 4) siunnersuisarnermit atortussanik suliaqartarneq siammartitserisarnerlu,
- 5) ilitersuisartunik ilinniartitsisarneq ilinniaqqittarnerlu,
- 6) supervision-ertitsisarneq najukkani ilitersuisarfinnut atatillugu,
- 7) misilittakkanik aamma ilisimasanik avitseqatigiittarneq,
- 8) attaveqatigiiffiliortarnernut tapersersuisarneq, aamma
- 9) tarnikkut aamma isumaginninnikkut siunnersuisarneq, tamatumani aamma peqqissaasarneq ilinniagaqartunik., tak. § 18, imm. 2.”

2. § 7, imm. 2 imatut oqaasertalerneqassaaq:

" Imm. 2. Siunnersuisoqatigiit 6-inik inuttaqarput, tamatumunnga inassuteqartoqarnera naapertorlugu, tak. imm. 3, Naalakkersuisunit inuttut piginnaanitik naapertorlugit toqqarneqartartunik piffissamut ukiunik 4-nik sivilissusilimmut. Ilaasortaq toqqaqqinneqarsinnaapput. Siunnersuisoqatigiit ataatsimut sinniisuuffigissavaat siunnersuisarneq, ilinniartitaanerni aamma inuussutissarsiutini paasisimasaqassuseq."

3. § 7, imm. 3, imatut oqaasertalerneqassaaq:

" Imm. 3. Tulliuttut tamarmik siunnersuisoqatigiinnut ilaasortassamik ataatsimik inassuteqartassapput:

- 1) Sulisitsisut kattuffii.
- 2) Sulisut kattuffii.
- 3) Ilinniagaqartut kattuffii.
- 4) Kommunit ataatsimoorlutik.
- 5) Ilinniarfiit.
- 6) Nakorsaaneq peqqinnissamik nakkutilliisoq."

4. § 9 imatut oqaasertalerneqassaaq:

" § 9. Kommunalbestyrelsip akisussaaffigaa Inatsisartut inatsisaat naapertorlugu ilitsersuisoqartarnissaa kommunimi innuttaasunut, tak. Taamaattoq § 3, nr. 9 aamma § 10."

5. § 11, imm. 2, imatut oqaasertalerneqassaaq:

" Imm. 2. Kommunalbestyrelsip qularnaassavaa kommunit qitiusumik ilitsersuisarfisa ilitsersuisarnermikkut sulianik ingerlatsinerminni inatsit naapertorlugu kommunimi suliffissarsiuussisarfinnik suleqateqarnissaa, tak. suliffissarsiuussisarneq il.il. pillugit Inatsisartut inatsisaat."

6. § 12, imm. 1, imatut oqaasertalerneqassaaq:

" Kommunalbestyrelsip isumagissavaa kommunimi qitiusumik ilitsersuisarnermik ingerlatsiviup ilitsersuisarnermikkut neqeroorutaasa piginnaaneqarluartunit ilitsersuisartunit ingerlanneqartarnissaa, tak. imm. 2, aamma inissat naleqquttut iluanni ingerlatsisoqartarnissaa".

7. § 12, imm. 2, oqaaseqatigiit aappaat, imatut oqaasertalerneqassaaq:

" Naalakkersuisut tamatumunnga kommunalbestyrelsimiit qinnuteqartoqarneratigut periarfissaqartissinnaavaat ilitsersuisarnerup utaqqiisaasumik inummit ilitsersuisarnermi immikkut piginnaaneqanngitsumit ingerlanneqarallartarsinnaanera, ilitsersuisartup ilinniagaqalernerani imaluunniit ilinniagaqarnerani ilinniartitaanernut ilitsersuisarnermullu suliaassanut Naalakkersuisunit akuerisaasumik."

8. § 18, imm. 1, imatut oqaasertalerneqassaaq:

" § 18. Ilitsersuisarnermi suliaassat Inatsisartut inatsisaat una naapertorlugu tassaapput:

- 1) Kalaallit Nunaanni ilinniagaqarnissamut periarfissat pillugit ilitsersuisarneq,

- 2) Kalaallit Nunaata avataani tamatumanilu aamma Danmark-imi ilinniagaqarnissamut periarfissat pillugit ilitersuisarnek,
- 3) Suliffissat aamma suliffinni qaffakkiartorsinnaanermut periarfissat pillugit ilitersuisarnek,
- 4) aningaasaqarnermut tunngasutigit, tamatumanilu aamma ilinniagaqarnersiuteqarnermut tunngasutigit siunnersuisarnek, aamma qinnuteqarnermut atatillugu immersugassanik immersuisarnernut tunngatillugu,
- 5) ineqarnermut tunngasunik ilitersuisarnek,
- 6) inummut tunngasutigit aamma tarnikkut pissutsinut tunngasutigit ikiorserneqarnissamik ilitersuisarnek,
- 7) tarnikkut inuttullu atukkanut tunngasutigit siunnersuisarnek, tamatumani aamma peqqissaasarneq ilinniagaqartunik, tak. imm. 2, aamma
- 8) ilinniagaqarnermik aallartitsinermut qinnuteqarnermullu atatillugu ilinniagaqarnersiutinillu qinnuteqartarnermi periutsit pillugit ilitersuineq.”

9. § 18-imi imm. 1-ip kingorna immikkoortutut nutaatut ikkunneqassaaq:

“*Imm. 2. Imm. 1, nr. 7-imi* ilinniagaqartutut paasineqassapput inuit ilinniakkamik ingerlatsisut aamma ilinniagaqartut, pikkorissaqqinnermik ingerlatsisut suliffissanut, ilitersuisarnernut pikkorissaqqinnernullu qitiusumik ingerlatsivinni.”

Imm. 2 taamaasilluni *imm. 3-ngussaaq.*

10. § 25 imatut oqaasertalerneqassaaq:

” **§ 25.** Naalakkersuisut kommunalbestyrelsimut naammassisassanut isumaqatigiissuteqassapput, inatsit naapertorlugu ilitersuisarnernik suliassanik suliaqartarnek pillugu.

Imm. 2. Naammassisassanut isumaqatigiissummi ilaassapput kommunimi ilitersuisarnikkut suliani anguniagassat, tamatumunngalu aallaavittut tunngaviusussat. Taannalu aamma imaqqassaaq ilitersuisarnermi anguniagassanik tigussaasunik.

Imm. 3. Naalakkersuisut naammassisassatut anguniakkani naammassinnissimannginneq iliuuseqarfigisinnaavaat, kommuninut ataatsimoorussanik tapiissutini annikinnerulersitsinikkut.”

11. Inatsisartut inatsisaat imatut taaguuserneqassaaq:

“Kalaallit Nunaanni ilinniartitaanermut inuussutissarsiutinillu siunnersuisarnek pillugu Namminersorlutik Oqartussat inatsisaat nr. 4, 29. november 2013-meersoq”

§ 2

Inatsisartut inatsisaat atortuulissaaq ulloq 1. januar 2019.

Namminersorlutik Oqartussat, ulloq 27. november 2018

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut